

*“Bokoluka ngai mpe bokojua ngai wana bokoluka
ngai na motema na bino mobimba.”*

**NDENGE NINI
KOYEBA NZAMBE**

Ndenge Nini Koyeba Nzambe

Lokola Abalayama azalaki “Moninga na Nzambe” mpo na komipesa mpe kotosa Nzambe, yo mpe okoki kokoma na koyeba Nzambe mpe kotondisama na bilembo ya ngolu, kimia mpe mapamboli na Ye. Koyeba Nzambe na komipesa ya solo epai na Ye kati na kondima ezali likambo eleki monene na bomoi ya moto. Esengo monene ezali kati na lolenge Nzambe azali komitalisa na baye banso bakolukaka Ye na motema mobimba.

Soko obongwami na kolanda ba nzela na yo moko mpe omipesi ya solo epai na Nzambe, Molimo na Ye ekofanda libela kati na yo. Eloko ata moko te ekozala lisusu na nguya ya kokabola yo na Ye lokola ondimi bilaka na Ye mpe okobila Ye na botosi. Akozala Nzambe na yo, mpe yo okozala libanga na ntalo oyo ezali ya Ye moko. Okososola ete Ye asombaki yo na motuya makasi, mpe alingi boyokani na yo-lelo mpe libela na libela.

Senga Nzambe apesa yo bososoli na ntango ozali koyekola makambo ezali na makasa oyo, ebongisami longwa na liloba na Nzambe.

Bimoniseli ya makomi ezali na kati ya mokanda oyo moke ezwami longwa na Mobeko (Torah), na ba Nzembo (Zabur), na makomi ya basakoli mpe na Nsango Malamu.

Yawe ajali Njambe na biso, Yawe moko, mpe okolinga Yawe Njambe na yo na motema na yo mobimba, mpe na molimo na yo mobimba, mpe na nguya na yo mobimba. —Dutɛlɔnɔmɛ 6.4b, 5

Jambi Yawe alobi boye, ye oyo asalaki lola, ye ajali Njambe, ye oyo atongaki mokili mpe asalaki yango; ye akokisaki yango, asalaki yango eloko na mobulu te, atongaki yango ete bato bafanda wana; ye ete, Ngai najali Yawe, mosusu ajali te. —Yisaya 45.18

Ete mabota yonso na mokili bayeba ete Yawe ajali Njambe, mosusu ajali te. —1 Mikonji 8.60

Ngai najali Yawe, yango nkombo na ngai, nakopesa nkembo na ngai epai na mosusu te, kosanjola na ngai epai na bikeko te.

—Yisaya 42.8

Yawe alobi ete, Bino bojali bata-toli na ngai...ete boyeba mpe bondima ngai mpe bososola ete ngai najali ye. Liboso na ngai njambe mosusu asalamaki te, mpe mosusu akojala nsima na ngai te. Ngai, ngai najali Yawe; mobikisi mosusu ajali te, bobele ngai.

—Yisaya 43.10, 11

Bobongwana epai na ngai mpe bobika, bino ndelo yonso na mokili; mpo ete ngai najali Njambe mpe mosusu ajali te. —Yisaya 45.22

Yawe ajali na motema molai, ajali mpe na mawa; akosamba seko te mpe boboto na ye ekoyikana. Jambi lokola molai na lola ejali na likolo na mokili, boboto na ye ejali monene boye epai na baoyo bakobangaka ye.

—Njembo 103.8, 11

Kasi boboto na Yawe ejali lobiko na lobiko likolo na baoyo bakobangaka ye . . . mpe epai na baoyo bakobanjaka mibeko na ye ete batosa yango.

—Njembo 103.17a, 18b

Nani ajali Njambe lokola yo, ye oyo alimbisi masumu, . . . mpo ete aseveli kosalaka na boboto.

—Mika 7.18

Mpo na boboto na Yawe, tobebi-sami te, makambo na mawa na ye makosuka te.

—Bileli 3.22

Ata ayeisi mpasi, nde akoyoka mawa kobila monene na boboto na ye.

—Bileli 3.32

Epai na moto na boboto okomimona na boboto.

—Njembo 18.25a

Botonda Yawe, mpo ete ajali malamumu, jambi boboto na ye ekoumela seko.

—1 Ntango 16.34

Jambi nayebaki ete yo ojali Njambe na boboto mpe otondi na mawa; okosilika noki te nde ojali na boboto mingi mpe okobongola motema.

—Yona 4:2b

Yawe amonanki epai na ye longwa na kala, ye ete, Nalingi yo na bolingo na seko, bongo naumelisi boboto na ngai epai na yo.

—Yilimia 31.3

Mpo ete nayebi makanisi majali ngai kokanisa mpo na bino; Yawe alobi bongo. Yango makanisi na kimia mpe na mabe te, kopesa bino elikia na ntango ekoya.

—Yilimia 29.11

Pelamoko tata akoyokela bana na ye mawa, boye Yawe akoyokelaka bango mawa baoyo bako-bangaka ye.

—Njembo 103.13

Tala, ejalaki mpo na kimia na ngai ete najalaki na bololo monene. Nde mpo na bolingo epai

na molimo na ngai, E Njambe, obikisi yango longwa na libulu na libebisi. Jambi obwaki masumu na ngai yonso nsima na mokongo na yo.

—Yisaya 38.17

Biso mpe tosili koyeba mpe kondima bolingo bojali na Njambe kati na biso. Ye oyo akoumelaka kati na bolingo... Njambe akoumelaka kati na ye. Biso tokolingaka mpo ete ye alingaki biso liboso.

—1 Yoane 4.16, 19

Yawe Njambe na yo ajali kati na yo, ye elombe na makasi, akobikisa! Akosepela na yo na esengo, na bolingo na ye akofanda na kimia. Akosepela na yo na njembo.

—Sefania 3.17

4 Eloko Eleki Monene Kati Na Makambo Manso Ya Bomoi Ezali Koyeba Nzambe

Nde bato oyo bayebi Njambe na bango bakotelema ngwi, mpe bakoleka.
—Danyele 11.32b

Kasi tika ete ye oyo akomikumisaka, amikumisa na likambo oyo ete asosoli mpe ayebi ngai ete ngai Yawe nakosalaka boboto mpe kosambisa-sembo mpe boyengebene kati na mokili. Mpo ete Yawe alobi ete, Nakosepela na makambo oyo.
—Yilimia 9.24

Esengo na baoyo bakobilaka litatoli na ye, bango bakolukaka ye na motema mobimba.
—Njembo 119.2

Natii liboso na yo bomoi

mpe kufa, mpe lipamboli mpe elakeli mabe. Na bongo pona bomoi . . . ete olinga Yawe Njambe na yo mpe otosa mongongo na ye mpe okangana na ye, mpo ete yango bomoi. . . mpo na yo.
—Dutelonome 30.19b, 20a

Mpo ete nalingi boboto, mbekate; nalingi boyebi koyeba Njambe liboso na makabo matumbami.
—Hosea 6.6

Lokola nganji ayoki mposa monene mpo na mikelé na mai, boye molimo na ngai ejali koyoka mposa mpo na yo, e Njambe.
—Njembo 42.1

Kozala Kati Na Bomoi Na Bonsomi Oyo Ekabwani 5 Na Nzambe Epesaka Na Nsuka Liwa Ya Somo

Yawe ajali na bino elongo wana bino bojali na ye elongo. Soko bokoluka ye, akojuana na bino nde soko bokotika ye, akotika bino.

—2 Ntango 15.2b

Motema ejali na bokosi koleka biloko yonso mpe na mabe mingi; nani akoki koyeba yango?

—Yilimia 17.9

Njela ejali oyo emonani malamau na moto, nde nsuka na yango bobele njela na kufa. —Masese 16.25

Mpo ete Njambe atikaki banje te baoyo basalaki mabe kasi abwaki bango na lifelo, atiaki bango na mabulu na molili tuu ete babatelama mpo na kosamba. Bo-

ye Nkolo ayebi kobikisa bango bakosambela ye wana ejali bango kati na komekama nde kobatela bakeseni kino mokolo na kosamba mpo na kojua etumbu.

—2 Petelo 2.4, 9

Nde soko bokoyoka mongongo na Yawe te mpe bokotosa malako na Yawe te, boye loboko na Njambe ekobuna na bino.

—1 Samwele 12.15a

Soko nani akoumela kati na ngai te, akobwakama lokola etape mpe akokaoka; bato bakolokota yango mpe bakobwaka yango na moto mpe ikojikisama.

—Yoane 15.6

6 Mpo Na Koyeba Nzambe Esengeli Toluka Ye

Bokoluka ngai mpe bokojua ngai wana bokoluka ngai na motema na bino mobimba.

—Yilimia 29.13

Sokɔ...okolukaluka ye lokola na bilokɔ na motuya bibombami; mbe,...okojuana na boyebi na koyeba Njambe. —Masese 2.4, 5

Bolombaka mpe bakopesaka bino; boluka mpe bokojuaka; bobetaka mpe bakojiwela bino.

—Matai 7.7

Sokɔ na kondima tɛ, ekoki kospelisa Njambe tɛ. Mpo ete ekoki na babelemi na Njambe kondima ete ajali mpe ete akojongisa libonja epai na bango bakolukaka ye.

—Baebelɛ 11.6

Nalingani na bango baoyo balingi ngai; baoyo bakoluka ngai bakomona ngai. —Masese 8.17

Yawe ajali na malamumu epai na baoyo bakolambela ye, epai na molimo oyo ajali koluka ye.

—Bileli 3.25

Na nkɔkɔ mokɔ abotisi mabota yonso na bato...ete baluka Njambe, na elikia ete bakoka komama na koluka ye, mpe kojua ye. Ajali mpe mosika na moto na moto na biso tɛ.

—Misala 17.26a, 27

Nde mpo na ngai, nakoluka Njambe, nakotika likambo na ngai epai na Njambe. —Yobo 5.8

Jambi Yawe, Njambe na bino ajali na boboto mpe na mawa, ako-bongola elongi na ye longwa na bino te soko bokobutwa epai na ye.
—2 Ntango 30.9b

Jambi yo ojali malamumu, e Nkolo, mpe okolimbisaka mabe. Otondi na boboto mpo na bango yonso bakobiangaka nkombo na yo.
—Njembo 86.5

Bobelema epai na Njambe mpe ye akobelema epai na bino.
—Yakobo 4.8a

Yawe ajali penepene na bango yonso bakobianga ye, baoyo bako-bianga ye na solo. —Njembo 145.18

Boye, tolobana likambo elongo moko; Yawe alobi bongo. Ata msumu na bino ijali motane lokola ngola, ikokoma pee lokola mbula mpembe.
—Yisaya 1.18a

Boya liboso na ngai, bino yonso bojali kolemba na mosala mpe kokumba bojito mpe nakopemisa bino. Bokamata ekanganeli na ngai likolo na bino mpe boyekola na ngai; jambi ngai najali na bopolo mpe na motema mosokemi; bokojuwa kopema mpo na milimo na bino.
—Matai 11.28, 29

Ye oyo akoyela ngai, nakobwaka ye libanda soko moko te.
—Yoane 6.37b

Ɛ Yawe, nani ajali lokola yo
... na lokumu kati na bulee?

—Esode 15.11a

Mosusu mosanto lokola Yawe
ajali te mpo ete mosusu ajali na yo
elongo te.

—1 Samwele 2.2a

Tika ete ejala mosika na Nja-
mbe ete asala mabe! Ejala mosika
mpe na Oyo-na-NguyaYonso ete
ajala na lisumu!

—Yobo 34.10b

Nani akojanga komemisa yo,
Nkolo? Nani akojanga kokumisa
nkombo na yo? Yo mako ojali mo-
santo.

—Emoniseli 15.4a

Ye oyo ajali likolo mpe Oyo-a-
tombwi mosika, ye oyo akoumela
libela, oyo nkombo na ye ejali
bulee, alobi ete, Nafandi na esika

na bulee mpe oyo etombwi mosi-
ka.

—Yisaya 57.15a

Bulee! bulee! bulee! Yawe na bi-
bele, mokili mobimba etondi na
nkembo na ye.

—Yisaya 6.3b

Yawe ajali na boyengebene na
njela na ye yonso; ajali mpe na
ngolu na misala na ye yonso.

—Njembo 145.17

Moto malamumu ajali te, bobele
Njambe.

—Malako 10.18b

Bokumisa Yawe Njambe...
Jambi Yawe Njambe na biso ajali
bulee.

—Njembo 99.9

Tika ete bakumisa nkombo na
yo monene mpe na nsomo. Ye ajali
bulee.

—Njembo 99.3

Bato Na Nzambe Esengeli Bazala Bulee Na Bomoi Na Bango

9

Yɔ ondimi ete Njambe ajali? Osali malam, nde milimo mabe bakondimaka bongo mpe bakolengaka. Nde yɔ moto na mpumbulu, olingi koyeba ete kondima oyo ejangi misala ejali mpamba? —Yakobo 2.19, 20

Njela na moto mabe eboyami na Yawe, nde alingani na ye oyo abili boyengebene. —Masese 15.9

Bomekaka kojala na bato yonso kimia mpe na bulee, mpo soko moto ajangi bulee yango akomona Nkolo te. —Baebelɛ 12.14

Ye oyo ajali koloba ete, Nasili koyeba ye, nde ajali kokokisa ma-

lako na ye te, ajali moto na lokuta mpe solo ejali kati na ye te. Bana na Njambe mpe bana na Satana bakomona polele na likambo oyo. Moto na moto oyo ajangi kosalaka boyengebene auti na Njambe te; na oyo ajangi kolinga ndeko na ye lokola. —1 Yoane 2.4; 3.10

Kasi bojala bulee na bijaleli yonso na bino pelamoko oyo a-biangi bino ajali mpe bulee. —1 Petelo 1.15

Boluka malam, boluka mabe te, ete bobika; mpe ete Yawe, Njambe na bibebe afanda na bino, lokola elobi bino. —Amosa 5.14

10 Makambo Oyo Nzambe Asengaka Biso Kosala

Yawe alingi nini epai na yo? Bobele ete osala na boyengebene mpe ete olinga boboto mpe ete otambola na bopolo esika moko na Njambe na yo. —Mika 6.8b

Bino bokojala bulee mpo ete ngai Yawe Njambe na bino najali bulee. —Lewitiko 19.2b

Okolinga Nkolo Njambe na yo na motema na yo mobimba, mpe na molimo na yo mobimba, mpe na nguya na yo mobimba, mpe na mayele na yo mobimba; mpe mojalani na yo lokola yo moko. —Luka 10.27b

Oyebi malako: Boma moto te, sala ekobo te, yiba te, tatola likambo na lokuta te, botola eloko

na moto te, kumisa tata na yo mpe mama na yo. —Malako 10.19

Bobilaka makambo na ntango oyo te kasi bobongwana mpo na kojua makanisi na sika. —Baloma 12.2a

Buku na mobeko oyo ekolongwa na monoko na yo te, kasi okokanisa yango butu na moi, ete okeba kotosa makambo yonso makomami na yango. Mpo ete bongo okojalisa njela na yo malamumu mpe bongo okojala na makila malamumu. —Yosua 1.8

Bojala na kondima na Njambe! —Malako 11.22b

Bokosalela Yawe Njambe na bino. —Esode 23.25

Yawe akoyinana na makambo oyo motoba; ɛɛ, nsambo ijali koboyama na molimo na ye: miso na njombo, lolemo na nkuta, maboko masopi makila na mosembwi, motema mojali kobanjabanja misala mabe, makolo makopotaka mbanngo kosala masumu, motatoli na lokuta oyo akolobaka maloba na sembo tɛ, mpe ye oyo akoyeisa kowelana kati na bandeko.

—Masese 6.16-19

Jambi ngai Yawe nalingi kosingambisa sembo, naboyi moibi.

—Yisaya 61.8a

Nde mpo na bagɔigɔi, na bato na ntembe, na bato babebi na bo-

soto, na babomi na bato, na bato na pite, na bato na soloka, na basambeli na bikeko, na bato na lokuta yonso, likabo na bango ekojala kati na libeke likopelaka na moto na sufulu, oyo ejali kufa na mibale.

—Emoniseli 21.8

Boye bokeba mpo na molimo na bino ete moko asalela mwasi na bolenge na ye bokosi tɛ.

—Malaki 2.15b

Tika tɛ ete moko na bino abanjabanja mabe na motema na ye ete asalela mojalani na ye yango. Bolinga ndai na lokuta tɛ, jambi makambo oyo yonso majali makambo mayini ngai. Yawe alobi bongo.

—Jekalia 8.17

12 Bato Bazali Kokokisa Mikano Na Nzambe Te

Nde nayebi bino ete bojali na bolingo na Njambe kati na mitema na bino te. —Yoane 5.42

Mpo ete ye oyo akokokisa Mibe-ko yonso nde akwei na likambo moko, ajali na ekweli na yango yonso. —Yakobo 2.10

Boye nalobaki ete, Mawa na ngai, jambi nabungi! Najali moto na bibebu na mbindo mpe nafandi kati na bato na bibebu na mbindo; mpo ete miso na ngai mamoni Mokonji, Yawe na bibebe. —Yisaya 6.5

Na bongo, ye oyo ayebi kosala malamau nde akosalaka boye te, ejali na ye lisumu. —Yakobo 4.17

Lokola ekomami ete, Moyengebeni ajali te, ata moko te. —Baloma 3.10

Bato yonso babungi mpe bajangi nkembo na Njambe. —Baloma 3.23

Moto na moto oyo ajangi kosalaka boyengebene auti na Njambe te; na oyo ajangi kolinga ndeko na ye lokola. —1 Yoane 3.10b

Biso yonso, topengwi lokola bampate; tobongwani moto na moto na njela na ye moko. —Yisaya 53.6a

Nani akoki kotemela Yawe, Njambe oyo na bulae? —1 Samwele 6.20b

Misala Na Biso Moko Ekoki Kosepelisa Nzambe Te 13

Natatweli bango ete bajali na mposa mpɔ na Njambe nde na njela na bosɔsɔli tɛ. Jambi awa ejangi bango koyeba boyengebene bouti na Njambe mpe bajali kolukaluka boyengebene bouti na bango mpenja, bongo batosi boyengebene na Njambe tɛ.

—Baloma 10.2, 3

Biso yɔnsɔ tokomi lokola moko oyo ajali na mbindo mpe misala na biso na boyengebene ijali lokola elamba epoli na bosɔtɔ; tojali kokaoka lokola lokasa mpe lokola na mopepe, masumu na biso ikobɔtɔla biso.

—Yisaya 64.6

Wana ekoloba ngai na moyengebeni ete akobika sɔlɔ, sɔkɔ

nde akotia motema na ye na boyengebene na ye, mpe asali lisumu, moko na misala na ye na boyengebene ekokanisama tɛ; kasi mpɔ na lisumu esili ye kosala, mpɔ na yango akokufa. —Ejekiele 33.13

Bango bajali kotia motema na makambo na njoto bayebi kosepelisa Njambe tɛ.

—Baloma 8.8

Mpɔ ete moto moko tɛ akolonga liboso na ye mpɔ na misala na Mibeko.

—Baloma 3.20a

Biso mpenja tobongi tɛ koloba ete eloko ekobimaka na biso, kasi kobonga na biso euti na Njambe.

—2 Bakolinti 3.5

Na bongo, mabe ekotaki na mokili mpɔ na moto makɔ, mpe kufa ekotaki mpɔ na mabe. Kufa mpe epalangani epai na bato yɔnsɔ mpɔ ete bato yɔnsɔ basali mabe.

—Baloma 5.12

Na nsima, esili mposa kojua jemi, eboti lisumu, mpe esili lisumu yango kokola eboti kufa.

—Yakobo 1.15

Ye oyo asali lisumu akokufa.

—Ejekiele 18.20a

Kasi mabe na bino makaboli kati na bino mpe Njambe na bino; mpe masumu na bino mabombeli bino elongi na ye ete ayoka tɛ.

—Yisaya 59.2

Lokola boyengebene ekoyeisa bomɔi, bongo ye oyo akobilaka mabe akokoma na kufa na ye mpenja.

—Masese 11.19

Njambe alobi boye ete, Mpɔ na nini bokobebisa malako na Yawe mpe boye bokolonga malamumu tɛ? Jambibotiki Yawe mpe ye atiki bino.

—2 Ntango 24.20b

Mpɔ ete kotombɔka ejali lokola lisumu na ndɔki mpe nko ejali lokola lisumu na bikeko. Yɔ oboyi liliba na Yawe, bongo ye aboyi yɔ.

—1 Samwele 15.23a

Jambibombeli biso elongi na yɔ mpe onangoli biso mpɔ na masumu na biso.

—Yisaya 64.7b

Nkanda Na Yawe Ezali Kopela Na Ntina Na Masumu 15

Njambe ajali mosambisi na boyengebene; ajali Njambe oyo akopelisa nkanda na ye mikolo yonso.

—Njembo 7.11

Yawe akosilika noki te, ajali monene na nguya na ye; akolongisa bato mabe te.

—Nahumu 1.3a

Nkanda na Njambe ejali koya mpo na makambo na ndenge yango.

—Bakolose 3.6

Tomoni nkanda na Njambe ebimi na Likolo kokwela makambo yonso na kotiola Njambe mpe bokesene na bato baoyo bakoji-paka makambo na solo na ntina na bokesene.

—Baloma 1.18

Batondi na ndenge yonso na

bokesene, na mabe, na bilulela, na nko; batondi na jua na mposa na koboma bato, na kowelana, na kojimbisa bamosusu, na kokana mabe, na kopalanganisa nsango mabe; na kotukatuka, na koyina Njambe, na lolendo, na ngambo, na maloba mpamba, na koluka ndenge na sika na mabe, na koti-ola baboti; bayibi, baboyi kondi-ma, bajangi bolingo, bajangi mawa. Bayebi ekateli na Njambe ete baoyo bakosalaka makambo ndenge yango babongi kokufa, nde ata bongo, bajali kosalaka yango. Mpe na koleka mpenja, bajali kosanjola baoyo bakosalaka bongo.

—Baloma 1.29-32

Ebongi na bato ete bakufa mbala moko mpe nsima ekateli ekoya. —Baebelɛ 9.27b

Namoni mpe bakufi, minene na mike, batelemi na liboso na kiti na bokonji, mpe buku ifungolami, mpe buku mosusu efungolami, oyo buku na bomoi. Bakufi basambisami na makambo masili kokomama na buku yango, na motindo na misala na bango. Soko ejuami ete moto akomami na buku na bomoi te, abwakami na libeke na moto. —Emoniseli 20.12, 15

Ejali likambo na nsomo kokwea na maboko na Njambe na bomoi. —Baebelɛ 10.31

Najali koloba na bino ete na mokolo na kosamba, bato bakosamba mpo na bilobaloba yonso bijali bango koloba. —Matai 12.36

Mpo ete Njambe akokomisa misala yonso epai na kosambisama elongo na makambo yonso mabombami, soko majali malamumu, soko majali mabe. —Mosakoli 12.14

Ekojala boye na nsuka na ekeke; banje bakobima mpe bakolongola mabe kati na malamumu, mpe bakobwaka bango kati na litumbu na moto. Bileli ikojala wana mpe kokatakata na mino.

—Matai 13.49, 50

Miso na Yawe ijali na bipai yonso, kotalaka mabe mpe malamu. —Masese 15.3

Ɛ Yawe, osili kotala motema na ngai mpe oyebi ngai solo. Oyebi ntango wana nakofanda mpe wana nakotelema; oyebi makanisi na ngai longwa na mosika. Oyebi wana ekotambola ngai mpe wana ekolala ngai; ejaleli na ngai mobimba ejali polele na miso na yo. Naino liloba ebimi na lolemo na ngai te, Ɛ Yawe, oyebi yango yonso. —Njembo 139.1-4

Mpo ete Yawe akotalaka lokola ekotalaka moto te. Moto akomonaka lolenge na libanda nde

Yawe akotalaka kati na motema. —1 Samwele 16.7b

Ye oyo atiaki litoi, akoyoka te? Ye oyo asalaki liso, akotala te? —Njembo 94.9

Jambi miso na ngai ijali epai na njela na bango yonso; ibombameli elongi na ngai te mpe mabe na bango ebombameli miso na ngai te. —Yilimia 16.17

Eloko moko ejali te oyo ebombami liboso na ye, kasi yonso ejali bolumbu mpe emonisami polele na miso na ye oyo ajali na biso na makambo. —Baebelɛ 4.13

Okobombama na mpimbo na lolemo, okobanga libebisi te wana ekoya yango. —Yobo 5.21

Likambo Lisengami Na Biso Lizali Ete Tobongwana Longwa Na Mabe

Ngai najui esengo na kufa na moto mabe? Ebongi malamumu ete abongwa na njela na ye mpe abika te?
—Ejekiële 18.23

Nalobi na bino ete, Te, kasi soko bokobongola mitema te, bino yonso bokokufa bobele bongo.

—Luka 13.3

Ye oyo akobomba masumu na ye akolonga te; kasi ye oyo akoyambola mpe akotika yango akoyua ngolu.
—Masese 28.13

Yawe alobi ete, Ata sasaipi, bobongwa epai na ngai na mitema na bino yonso, mpe na kokila bilei mpe na kotangisa mpe na kolela; pasola mitema na bino nde bila-

mba na bino te, mpe bongwana epai na Yawe, Njambe na bino; mpo ete ye ajali na boboto mpe na mawa. Akosilika noki te kasi ajali na boboto monene mpenja.

—Yoele 2.12, 13a

Bokumba maloba na bino elongo mpe bobongwana epai na Yawe; boloba na ye ete, Longola mabe yonso, mpe Yamba biso na boboto.

—Hosea 14.2a

Azali kotala epai na bato, soko moko kati na bango alobi ete, nasali mabe Asikoli molimo na ngai ete ekita na libulu te, bomoi na ngai ekomona pole.

—Yobo 33.27a, 28

Boluka Yawe naino akoki komonana, bobianga ye naino abelemi penepene. Tika ete moto mabe alongwa na njela na ye mpe moto na masumu alongwa na mabanja na ye. Tika ete abutwa epai na Yawe, ete ayokela ye mawa, epai na Njambe na biso, jambi akolimbisa na solo. —Yisaya 55.6, 7

Yawe ajali penepene na bango bajali na mitema mitutami; akobikisa bango bajali na milimo minyetami. —Njembo 34.18

Ete babutwa moto na moto longwa na njela na ye mabe ete nalimbisa mabe na bango mpe masumu na bango. —Yilimia 36.3b

Nayebisaki yo masumu na ngai,

nabombaki bokesene na motema na ngai te. Nalobaki ete, Nakoyebisa Yawe bipengweli na ngai, mpe yo olimbisi mabe na masumu na ngai. —Njembo 32.5

Soko tokoyambola masumu na biso, ye ajali sembo mpe moyengebeni mpo na kolimbisa biso masumu na biso mpe kopetola biso na bokesene yonso. —1 Yoane 1.9

Bongola mitema, mpe butwa ete bopetwa na masumu.

—Misala 3.19a

Kobongwana elingi koloba ete kobaluka longwa na masumu mpelamoko na koyambula masumu yango epai na Nzambe.

20 Na Ntina Na Kozongisa Boyokani Kati Na Biso Na Nzambe Likabo Moko Lisengamaki

(Masumu eyeisaki bokabwani, page 14.)

Mpɔ ete bomɔi na mosuni ejali kati na makila, mpe ngai nasili kopesa yango na bino na likolo na etumbelo mpɔ na kosala kojongisa na bondeko na ntina na bomɔi, mpɔ ete ejali makila ekojongisa na bondeko na ntina na bomɔi. —Lewitiko 17.11

Ɛɛ, na nse na Mibeko biloko yonso bipetwi na makila mpe soko makila masopani te, kolimbisama na masumu ejali te. —Baebelɛ 9.22

Mwana na mpate na bino akojala na mwa libebi te, mobali na mbula moko. Makila ekojala ele-

mbo mpɔ na bino, na ndako ejali bino, mpe wana ekotala ngai makila nakoleka likolo na bino, mpe malali ekokitela bino te mpɔ na koboma bino. —Esode 12.5a, 13a

Abalayama alobaki ete, Mwana na ngai, Njambe ye moko akopesa biso mwana na mpate mpɔ na mbeka na kotumba. Abalayama afungolaki miso na ye mpe atalaki na nsima na ye mpate mobali akangamaki na mwa jamba na maseke na ye. Abalayama akendaki akamataki mpate mobali mpe apesaki ye lokola mbeka na kotumba na esika na mwana na ye.

—Genese 22.8a, 13

Na mokolo na nsima, amoni Yesu koya mboka na ye mpe alobi ete, Tala Mwana-na-mpate na Njambe, molongoli na masumu na mokili.
—Yoane 1.29

Lokola mwana na mpate oyo akambami mpo na kobomama, mpe lokola mpate ajali nye liboso na bakati na nkunja na ye, bongo ajipoli monoko na ye te.
—Yisaya 53.7b

Aingelaki kati na Esika na bulee mbala moko mpo na libela, mpo na makila na bantaba mpe na bana na ngombe te kasi na makila na ye moko. Boye ajuaki lisiko na seko. Bongo Klisto kala, akabamaka

mpo na komema masumu ya bato mingi.
—Baebelɛ 9.12, 28a

Boyebi ete bosili kosikwa kati . . . na biloko bikopola lokola palata soko wolo te, kasi bosili kosikwa na makila na Yesu Klisto maleki yonso na motuya, lokola makila na mwana na mpate oyo na mpota te mpe na litono te.
—1 Petelo 1.18, 19

Na koleka mpenja, makila na Klisto, ye oyo amipesaki epai na Njambe na litono te kati na Moli-mo na seko, makopetola lisosoli na biso longwa na misala na kufa kino mosala kosalela Njambe na bomoi.
—Baebelɛ 9.14

Balongi bobele mpɔ na likabo na ngɔlu na ye na njela na lisiko lijali kati na Yesu Klisto. Njambe asemboli ye lokola mbondi mpɔ na baoyo bajali kondima mpɔ na makila na ye. —Baloma 3.24, 25a

Nde Njambe amonisi bolingo na ye mpɔ na biso na njela oyo: naino ejalaki biso bato na masumu, Klisto akufelaki biso. Na koleka mpenja, awa elongi biso na njela na makila na ye, tokobika na ntango na nkanda. —Baloma 5.8, 9

Nde toyebi ete moto akolonga na njela na Mibeko te kasi na njela na kondima Klisto Yesu. Bisu

mpe tosili kondima Klisto Yesu.
—Bagalatia 2.16a

Bobiki na ngɔlu na njela na kondima; yango euti na bino te, ejali likabo na Njambe. Euti na misala te ete moto amikumisa te.
—Baefese 2.8, 9

Basakoli yonso bakotatolaka mpɔ na ye ete bandimi na ye yonso bakojuwa kolimbisa na masumu mpɔ na nkombo na ye.
—Misala 10.43

Lobiko mpe ejali na moto mosusu te, mpɔ ete nkombo mosusu te esili kopesama awa na nse kati na bato ete tokoka kobika mpɔ na yango.
—Misala 4.12

Mwanje Gabaliele atindamaki na Njambe kokenda na mboka moko na Galilai, nkombo na yango Nasaletε, epai na elenge mwasi moko oyo abandamaki na mobali na libota na Dawidi. Nkombo na mobali Yosefe, mpe nkombo na mwasi Malia. . . . Mwanje alobaki na ye ete, Banga tε, Malia, mpo ete ojui ngolu epai na Njambe. Mpe tala, okojua jemi mpe okobota mwana mobali, mpe okobianga nkombo na ye Yesu. Ye akojala monene mpe akobiangama Mwana na Oyo-Aleki-Likolo. . . . mpe bokonji na ye ekojala na nsuka tε. Malia alobaki na mwanje ete, Oyo ekojala boni awa elali

ngai na mobali tε? Mwanje ajongisaki monoko ete, Molimo Mosanto akoya likolo na yo, mpe nguya na Oyo-Aleki-Likolo ekojipa yo. Yango wana mwana na bulee oyo akobotama akobiangama Mwana na Njambe. . . . Mpo ete epai na Njambe makambo yonso makoki kosalama. Malia alobaki ete, Tala, ngai moombo na Nkolo, tika ebimela ngai lokola elobi yo.

—Luka 1.26-38a

Bato oyo bakotisamaki na mokili na ndenge ekabwani na kobota euti na kosangana ya mobali na mwasi bazali Adama na Klisto. Adama akotisaki mabe na mokili, kasi Yesu aye-laki biso elonga likolo ya mabe.

Ata ajalaki na motindo na Njambe, atangaki te ete ameka kokoka na Njambe. Ejuami ye na motindo na moto, amisokisi mpe atosi kino kufa, ee, kino kufa na ekulusu. —Bafilipi 2.6, 8

Biso mpe Tata tojali moko. Bojali nde koloba na ye oyo Tata abulisi ye mpe atindi ye na kati na mokili ete, Ojali kotuka Njambe mpo ete nalobi ete, Ngai Mwana na Njambe? —Yoane 10.30, 36

Yesu Klisto, Liloba lia seko, azalaka banda ntango nyonso. Na bikamu-seli, Nzambe akotisaki ye na libumu ya Malia ete abotama na nzoto. Na nzoto, ayebani ete azali Mwana na

Moto mpe na molimo ayebani ete azali Mwana na Nzambe. Makomi oyo ezali kosalela liloba yango “Mwana” mpo ya kopesa boyokani ezali kati na Nzambe na Liloba na Ye—Yesu Klisto.

Na bongo, awa eyei Klisto kati na mokili, alobaki ete, . . . kasi osili kobongisela ngai njoto. —Baebelɛ 10.5

Kasi, mpo na Molimo Mosanto, Njambe amonisaki na nguya ete ajali Mwana na ye, awa esekwaki ye na kati na bakufi. —Baloma 1.4

Toma ajongisi monoko mpe alobi na ye ete, Nkolo na ngai mpe Njambe na ngai. —Yoane 20.28

Libombami na makambo na Njambe ejali monene, . . . ye oyo amonisami polele kati na njoto.

—1 Timote 3.16a

Jambi litondi mobimba na Bonjambe ekofandaka kati na ye na motindo na njoto. —Bakolose 2.9

Jambi mwana abotameli biso, mwana mobali apesameli biso; bokonji ekojala likolo na libeka na ye, nkombo na ye akobiangama ete, Mosungi na kokamwa, Njambe na nguya, Tata na seko, Nkolo na kimia. —Yisaya 9.6

Yesu alobi na bango ete, . . . Naino ejalaki Abalayama te, ngai najali. —Yoane 8.58

Yango ejalisami kati na ye ejalaki Bomoi, mpe Bomoi yango ejalaki moi na bato. Moi na solo oyo ekotanelaka moto na moto, ejalaki koingela kati na mokili. Ajalaki kati na mokili mpe mokili ejalisami na ye nde mokili eyebaki ye te.

—Yoane 1.4, 9-10

Mpo ete Njambe moko ajali mpe Mobongisi moko kati na Njambe mpe bato, ye moto Klisto Yesu, oyo amipesi lokola lisiko mpo na yonso. —1 Timote 2.5, 6a

Kati na ye tojali na lisiko, yango kolimbisama na masumu. Ye ajali elilingi na Njambe, oyo akomonanaka te.

—Bakolose 1.14, 15a

Mpɔ esakweli mɔkɔ tɛ ebimaki na mokano na moto, kasi bato bauti na Njambe balobi wana ejalaki bango kopusama na Molimo Mosanto. —2 Petelo 1.21

Pelamɔkɔ elobaki ye longwa na kalakala na minɔkɔ na basakoli na ye na bulɛ . . . Koyebisa bato na ye mpɔ na kobikisama, na kati na kolimbisa na masumu na bango. —Luka 1.70, 77

Molimo na Yawe alobi na njela na ngai, liloba na ye ejali na lolemo na ngai. —2 Samwele 23.2

Maloba oyo malakeli ngai yo lelɔ makojala na motema na yo. —Dutelonome 6.6

Makomi yɔnsɔ mapemami na Molimo na Njambe, makoki kopesa litomba na mateyo, na mpamela, mpɔ na kosembola mpe mpɔ na kobɔkɔla, kati na boyengebene. —2 Timote 3.16

Mpɔ na yɔnsɔ ikomamaki kalakala, ikomami mpɔ na kolakisa biso ete tojala na elikia na njela na koyoka mpiko mpe na kolendisama na makomi. —Baloma 15.4

Bobungi mpɔ ete boyebi ata makomi tɛ, ata nguya na Njambe tɛ. —Matai 22.29b

Jambi okumisi nkombo na yo mpe liloba na yo likolo na makambo yɔnsɔ. —Njembo 138.2b

Alati elamba esili koyinama na makila, mpe nkombo na ye e-biangami ete, Liloba na Njambe.

—Emoniseli 19.13

Na ebandeli Liloba ajalaki, mpe Liloba ajalaki mboka na Njambe, Liloba ajalaki mpe Njambe. Liloba akomi mosuni mpe atemisi mongombo na ye kati na biso.

—Yoane 1.1, 14a

Yesu Azali Kotalisa Nzambe Na Polele

Moto ata moko te amoni Njambe; ye oyo abotami likinda, Njambe oyo ajali na ntolo na Tata, ye wana asili kolimbola ye.

—Yoane 1.18

Mpo ete Njambe oyo alobaki ete, . . . ye wana asili kongenga kati na mitema na biso ete apesa biso pole na boyebi na nkombo na Njambe kati na elongi na Klisto.

—2 Bakolinti 4.6

Nzambe Azali Koloba Na Yesu

Kalakala Njambe asololaki na bankoko na minoko na basakoli na mbala mingi mpe na mitindo mingi. Na mikolo oyo na nsuka asololi na biso kati na Mwana oyo atii ye mosangoli na libula na biloko yonso; na ye mpe ajalisaki bikeke.

—Baebel 1.1, 2

Ngai nakosololaka yango emoni ngai epai na Tata. —Yoane 8.38a

28 Makomi Mpe Liloba Ya Bomoi Ekokani

Biblia Ezali Bilei ya Molimo

Nabombi kati na ngai maloba na monoko na ye. —Yobo 23.12b

Moto akobika bobele na kwanga te nde na maloba yonso makobimaka na monoko na Njambe.

—Matai 4.4b

Biblia Ezali Kongengisa Nzela Na Biso

Liloba na yo ejali mwinda na makaka na ngai mpe pole na njela na ngai. —Njembo 119.105

Kojipola maloba na yo ekopesa pole, ekopesa mpe mayele na baoyo bajangi yango. —Njembo 119.130

Yesu Azali Lipa Euti Na Lola

Ngai najali kwanga na bomoi oyo ekiti longwa na likolo. Soko moto nani akolia kwanga oyo, akojala na bomoi libela; mpe kwanga ekopesa ngai ejali mosuni na ngai mpo na bomoi na mokili. Ngai najali kwanga na bomoi.

—Yoane 6.51, 48

Yesu Azali Moi Ya Mokili

Yango ejalisami kati na ye ejalaki Bomoi, mpe Bomoi yango ejalaki moi na bato. Yesu asololi na bango lisusu, ye ete, Ngai najali moi na mokili. Ye oyo akobila ngai akotambola kati na molili te kasi akojala na moi na bomoi.

—Yoane 1.4; 8.12

Biblia Ezali Kopesa Bomoi
Etondisami Na Bolamu

Kasi mposa na ye ejali kati na Mobeko na Yawe; akokanisaka mpe Mobeko na ye butu na moi. Ajali lokola njete oyo ekonami penepene na bitima na mai, oyo ekobotaka mbuma na yango na ntango ekoki; nkasa na yango iko-kaoka te. Yonso ekosalaka ye ebongi. —Njembo 1.2, 3

Yesu Akopesaka Bomoi 29
Etondisami Na Bolamu

Boumelaka kati na ngai, mpe ngai kati na bino. Ngai mowiti na solo, bino bitape. Ye oyo aumeli kati na ngai lokola ngai naumeli kati na ye, akobota mbuma mingi jambi bokoki kosala likambo longwa na ngai te. —Yoane 15.4a, 5

MAKOMI MAZALI KOLOBA MPO NA YESU KLISTO

Bojali kolukaluka kati na makomi mpo ete bobanji ete na yango bokojua bomoi na seko. Mpe ijali yango mpenja itatoli mpo na ngai. Soko bondimaki Mose, mbe bokondima ngai jambi akomaki

mpo na ngai. —Yoane 5.39, 46

Mpe abandaki na mikanda na Mose na basakoli yonso mpe alimbolaki mpo na bango makambo na ntina na ye mpenja na kati na makomi yonso. —Luka 24.27

30 Liloba Ya Nzambe Ya Seko Ebongwanaka Te

Ɛ Yawe, liloba na yɔ etele mi na likolo lobiko na lobiko. Liloba na yɔ mobimba ejali sembo mpe bikateli na yɔ na sembo ikoumela yɔ nsɔ seko na seko.

—Njembo 119.89, 160

Matiti majali kokaoka, felele ijali kolemba, nde liloba na Njambembe na biso ekotelema libela.

—Yisaya 40.8

Kino likolo mpe nse ikolongwa, i moko to nsonge na elemba moko ekolongwa na Mibeko te bobele ete makambo yonso mabanga.

—Matai 5.18b

Likomi ekoki koboyama te.

—Yoane 10.35b

Moto Akoki Komeka Kobongola Biblia Te

Makambo yonso malakeli ngai bino bokokeba ete bosala yango; okobakisa likambo na yango te, mpe okolongola likambo na yango te.

—Dutelonome 12.32

Bakisa na maloba na ye te ete apamela yɔ te mpe ete ojuama moto na lokuta te.

—Masese 30.6

Soko mpe moto moko akolongola maloba mosusu na mokanda na kosakola oyo, Nzambe akolongola likabo na ye na njete na bomoi.

—Emoniseli 22.19a

Ye oyo akotiola liloba akobebisama.

—Masese 13.13a

Na ntina oyo, Tata alingi ngai mpo ete natiki bomoi na ngai ete nasimba yango lisusu. Moto alongoli yango na ngai te, nde natiki yango na mokano na ngai mpenja. Najali na bokonji kotika yango mpe najali na bokonji kosimba yango lisusu.

—Yoane 10.17, 18a

Yesu ete: Ojali na bokonji likolo na ngai te soko epesameli yo uta na Likolo te.

—Yoane 19.11a

Okanisi te ete nakoki kobondela Tata na ngai te mpe ye akotindela ngai pwasa koleka bibolo jomi na mibale na banje? Nde njela nini

makomi makokoka ete makambo mabima boye? —Matai 26.53, 54

Nde Njambe akokisi boye yango esakolaki ye na minoko na basakoli yonso liboso, ete Klisto na ye akomona mpasi.

—Misala 3.18

Ye apesami mpo na mokano mokanaki Njambe mpe mpo na boyebi boyebaki ye liboso, mpe bino bobakisi ye na ekulusu, mpe bobomi ye na maboko na bato bajangi Mibeko.

—Misala 2.23

Nde esepelisi Yawe kotuta ye, ye apesi ye mpasi; kasi wana ekokaba ye molimo na ye lokola mbeka mpo na mabe.

—Yisaya 53.10a

32 Nsango Ya Liwa Na Yesu Epanzanaki Kati Na Minoko Ya Ba Oyo Bamimonelaki Yango

Babakisi bayibi mibale na bikulusu lokola, esika moko na ye, moko na loboko na ye na mobali, mosusu na loboko na ye na mwasi. Bongo likomi ekokaki ete, Atangami kati na bato na lofundo.

—Malako 15.27, 28

Bakomi epai na Yesu mpe emoni bango ete asili naino Koku-fa, babuki makolo na ye te. Kasi moko na basoda atoboli mopanje na ye na likonga mpe nokinoki makila mpe mai mabimi. . . . Mpo ete makambo oyo mabimi ete likomi likokisama ete, Mokwa moko na ye ekobukama te; mpe . . .

Bakotala ye oyo basili kotobola.

—Yoane 19.33-37

Na ngonga na motoba, molili ejipi likolo mpe mokili mobimba, kino ngonga na libwa. Nde Yesu angangi lisusu na mongongo makasi mpe atiki kopema. . . . mpe mokili eningani mpe mabanga mapaswani. Bongo, kapitene na basoda mpe baoyo bajalaki esika moko na ye mpo na kokengela Yesu, bamoni koningana na mokili mpe makambo mabimi, babangi na nsomo mpenja mpe balobi ete, Na solo oyo ajalaki mwana na Njambe. —Matai 27.45, 50-51, 54

Njambe nde akangoli ye na mpasi na kufa, mpe asekwisi ye, mpo ete kufa ejalaki na nguya na kosimba ye te. Mpo na Yesu oyo, Njambe asekwisi ye, mpe biso yonso tojali batatoli na likambo yango. —Misala 2.24, 32

Na bongo, awa ejali bana kolangana na makila mpe na mosuni, bobele bongo ye mpe asangani na yango na ntina ete na njela na kufa abebisa ye oyo ajali na bokonji na kufa, ye wana oyo na mabe; mpe akangola bango yonso baoyo bakomi baombo kino mikolo yonso na bomoi na bango mpo na kobanga kufa. —Baebele 2.14, 15

E kufa, kolonga na yo wapi? E kufa, esweli na yo wapi? Matondi epai na Njambe oyo apesi biso elonga na njela na Nkolo na biso Yesu Klisto. —1 Bakolinti 15.55, 57

Mpe Moto na Bomoi. Nakufaki, nde najali na bomoi libela na libela. Najali na mafungola na kufa mpe na Ewelo. —Emoniseli 1.18

Amonisi yango sasaipi mpo na komonana na Mobikisi na biso Klisto Yesu, oyo asilisi kufa nye mpe abimisi bomoi mpe kojanga kopola kati na moi mpo na Nsango Malamamu. —2 Timote 1.10

Nde solo Klisto asekwilongwa na bakufi, mbuma na liboso na bango balali. —1 Bakolinti 15.20

Yoka, natelemi na ekuke, mpe najali kobeta; soko nani akoyoka mongongo na ngai mpe akojipola monoko na ndako, nakokota epai na ye mpe tokolia elambo, biso na ye.

—Emoniseli 3.20

Nde soko akosala mosala te nde akotalela ye oyo akolongisa moto na masumu, kondima na ye ekotangama lokola boyengebene.

—Baloma 4.5

Bojua Molimo Mosanto. Bolombaka mpe bokujuaka ete esengo na bino etondisama.

—Yoane 20.22b; 16.24b

Soko okoyambola na bibebu na yo ete Yesu ajali Nkolo mpe soko okondima na motema na yo ete

Njambe asekwisi ye na bakufi, okobika.

—Baloma 10.9

Ye oyo alingi tata to mama koleka ngai abongi na ngai te. Na ntango yango Yesu alobi na bayekoli na ye ete, Soko nani alingi koya nsima na ngai, tika ete ami-boya ye moko mpe atombola eku-lusu na ye mpe abila ngai. Jambiyani nani alingi kobikisa bomoi na ye akobebisa yango. Nde ye nani akobebisa bomoi na ye mpo na ngai, akojua yango.

—Matai 10.37a; 16.24, 25

Soko bojali bato na Klisto, bojali libota na Abalayama, bojali basangoli na libula na elaka.

—Bagalatia 3.29

Ete Njambe apesi biso bomoi na seko mpe bomoi oyo ejali kati na Mwana na ye. Oyo ajali na Mwana ajali na bomoi, ye oyo ajangi Mwana na Njambe, ajangi bomoi.

—1 Yoane 5.11b, 12

Nde Njambe ajali na mawa mingi, . . . mpe ata wana ejalaki biso bakufi, mpo na bikweli, ajalisi biso na bomoi esika moko na Klisto (bobiki na ngolu mpenja!)

—Baefese 2.4, 5

Nasili kobakisama na ekulusu esika moko na Klisto. Boye, ngai najali lisusu na bomoi te, kasi Klisto ajali na bomoi kati na ngai. Mpe bomoi bojali na ngai na njoto

sasaipi, najali na yango mpo na kondima Mwana na Njambe.

—Bagalatia 2.20a

Boye, soko moto ajali kati na Klisto, akomi bojalisi na sika; makambo na liboso malimwi, tala makambo na sika mayei.

—2 Bakolinti 5.17

Bosili kobotama lisusu na momboto mokopola te kasi na oyo ekobika seko mpo na liloba na Njambe lijali na bomoi mpe likoumela seko. Lokola bana babotami bobele sasaipi boyoka mposa na mabele sembo na Molimo ete mpo na yango bokola kino lobiko.

—1 Petelo 1.23; 2.2

Ye ajali tata na bitike, mpe mosungi na basi-bakufeli-mibali; ajali Njambe kuna na efandelo na ye na bulee. —Njembo 68.5

Ɛ Yawe, ojali nde tata na biso, biso tojali lima, yo ojali moyemi; biso yonso tojali mosala na loboko na yo. Ɛ Yawe, yo ojali tata na biso, mosikoli na biso longwa na kala ejali nkombo na yo.

—Yisaya 64.8; 63.16b

Esengeli eleka, ete na esika elobamaka mpo na bango, bozali bato na ngai te, nde ekolobama mpo na bango ete, bozali bana na Njambe ya bomoi. —Hosea 1.10b

Boye, soko bino bato mabe, bo-

yebi kopesa bana na bino makabo malamumu, Tata na bino na Likolo akoleka te kopesa biloko malamumu na bango bakolombaka ye? Bino bobondela boye ete, Tata na biso oyo ajali na Likolo, Nkombo na yo ejala mosanto. —Matai 7.11; 6.9

Mpe boye nakoyamba bino. Nakojala tata epai na bino, mpe bino bokojala bana na ngai babali mpe bana na ngai basi. Nkolo-na-Nguya-Yonso alobi bongo.

—2 Bakolinti 6.17b, 18

Baoyo yonso bakambami na Molimo na Njambe bajali bana na Njambe. —Baloma 8.14

Kati Na Yesu Tozali Kososola Nzambe Lokola Tata 37

Yesu alobi na ye ete, Ngai najali njela mpe solo mpe bomoi. Moto akokoma epai na Tata te soko na njela na ngai te. Soko boyebaki ngai mbe bokoyeba Tata na ngai lokola. Soko moto nani akolinga-ka ngai, akotosa liloba na ngai; mpe Tata na ngai akolinga ye mpe tokoya epai na ye mpe tokobongisa efandelo epai na ye.

—Yoane 14.6, 7a, 23b

... Njambe atindaki Mwana na ye, ... ete tokamata lokumu na bana. Mpo ete bino bojali bana, Njambe atindi Molimo na Mwana na ye kati na mitema na biso, konganga ete, Aba! Tata! Bongo ojali moombo te kasi mwana. Soko

mwana, mosangoli na libula mpo na Njambe. Jambi bino yonso bojali bana na Njambe kati na Klisto Yesu na njela na kondima.

—Bagalatia 4.4-7; 3.26

Kasi epai na baoyo bayambi ye, apesi bango bokonji na kojala bana na Njambe, na baoyo bandimi na nkombo na ye.

—Yoane 1.12

Nde soko moto nani akosala lisumu, tojali na Molobeli epai na Tata, ye Yesu Klisto, Moyengebeni.

—1 Yoane 2.1b

Jambi na njela na ye, biso yonso mibale tojali na ekomelo epai na Tata kati na Molimo moko.

—Baefese 2.18

Nde ye oyo akolingaka te ayebi Njambe te, mpo ete Njambe ajali bolingo. Njambe ajali bolingo. Ye oyo akoumelaka kati na bolingo ajali koumela kati na Njambe mpe Njambe akoumelaka kati na ye.

—1 Yoane 4.8, 16b

Bojalanaka na boboto, moko epai na mosusu, na motema na mawa, na kolimbisana moko moko pelamoko Njambe asili kolimbisa bino kati na Klisto. —Baefese 4.32

Na bongo bato yonso bakoyeba ete bojali bayekoli na ngai soko bojalani na bolingo. —Yoane 13.35

Nde mbuma na Molimo ijali boye: bolingo, esengo, kimia.

—Bagalatia 5.22a

Ata bongo, nakosepela na Yawe, nakoyoka esengo na Njambe na lobiko na ngai. —Habakuku 3.18

Okoyebisa ngai njela na bomoi; esengo mingi na kotonda ejali epai na yo; kosepela ejali na loboko na yo na mobali libela. —Njembo 16.11

Na bongo, esili biso kolonga na njela na kondima, tojali na kimia liboso na Njambe mpo na Nkolo na biso Yesu Klisto. —Baloma 5.1

Najali kotikela bino kimia, najali kopesa bino kimia na ngai moko. Napesi bino pelamoko ekopesaka mokili te. Tika ete mitema na bino mitumolana te, mibanga mpe te.

—Yoane 14.27

Sokɔ Molimo na ye oyo asekwisaki Yesu longwa na bakufi ajali kofanda kati na bino, ye oyo asekwisaki Klisto Yesu longwa na bakufi akopesa bomɔi epai na njoto na bino na kufa, na njela na Molimo oyo akofandaka kati na bino.
—Baloma 8.11

Njambe asekwisaki Nkolo; akosekwisa mpe biso mpɔ na nguya na ye.
—1 Bakɔlinti 6.14

Mpɔ ete oyo ejali mokano na Tata na ngai ete moto na moto oyo akomona Mwana mpe akondima ye akojua bomɔi na seko mpe nakosekwisa ye na mokɔlɔ na nsuka.
—Yoane 6.40

Yesu alobi na ye ete, Ngai najali lisekwa mpe bomɔi. Ye oyo ajali kondima ngai, ata asili kokufa, akobika.
—Yoane 11.25

Pelamɔkɔ kufa eyaki na njela na moto, kosekwa mpe eyei na njela na moto. Jambɔi lokola na Adama yɔnsɔ bakokufaka, boye na Klisto yɔnsɔ bakojuwa bomɔi. Kasi moto na moto na kokitana na ye mpenja. Klisto mbuma na liboso, na nsima na komonana na ye, baoyo bajali kati na Klisto.

—1 Bakɔlinti 15.21-23

Mpɔ ete ngai najali na bomɔi mpe bino bokojala na bomɔi.
—Yoane 14.19b

Moto oyo apengwi Mibeko na Mose akokufa na kojanga mawa mpo na litatoli na batatoli mibale to misato. Bokanisi nini? Soko moto anyateli Mwana na Njambe na nse na makolo na ye mpe atioli makila na Kondimana na mbindo oyo abulisami na yango mpe atioli Molimo na ngolu, ye akokwea na etumbu eleki makasi te?

—Baebelɛ 10.28, 29

Ye oyo aboyi ngai mpe ayambi maloba na ngai te, ajali na mosambisi na ye. Liloba lisili ngai kosolola ekosambisa ye na mokolo na nsuka.

—Yoane 12.48

Boye nalobi na bino ete bokokufa kati na masumu na bino. Soko

bokondima te ete ngai najali oyo ejali ngai mbe bokokufa na masumu na bino.

—Yoane 8.24

Nalobi na bino baninga na ngai ete, Banga baoyo babomi njoto te, bango bakoki kosala likambo mosusu na nsima te. Nde nakokebisa bino soko bobanga nani. Banga ye oyo ajali na bokonji na kobwaka kati na Geena, esili ye koboma. Ee nalobi na bino ete bobanga ye!

—Luka 12.4, 5

Biso mpenja tokokima boni soko tokotia mitema na lobiko monene boye te?

—Baebelɛ 2.3a

Ye oyo aboyi Mwana akomona bomoi te, kasi nkanda na Njambe ekoumela na ye.

—Yoane 3.36b

Mpɔ ete asili kopɔna mokɔlɔ wana ekosambisa ye mikili yɔnsɔ na sembo, mpe akosambisa bango na moto oyo asili kopɔna. Amɔnisi bato yɔnsɔ polele ete ejali sɔlɔ, mpɔ ete asekwisi ye na bakufi.

—Misala 17.31

Tata ajali kosambisa moto tɛ, kasi asili kopɛsa kosambisa yɔnsɔ epai na Mwana ete yɔnsɔ bakumisa Mwana pelamɔkɔ ekokumisa bango Tata.

—Yoane 5.22, 23a

Mpɔ ekoki na biso yɔnsɔ komɔnana liboso na esambiselo na Klisto ete moto na moto ajua ... mpɔ na misala misalaki ye na njoto, sɔkɔ malamumu sɔkɔ mabe.

—2 Bakɔlinti 5.10

Na mokɔlɔ yango wana Njambe akosambisa makambo na nkuku na bato na njela na Yesu Klisto.

—Baloma 2.16a

Nkolo Yesu wana ekobima ye na Likolo esika mɔkɔ na banje na ye na nguya, kati na epelelo na moto ete apɛsa bato mabe etumbu baoyo bayebi Njambe tɛ mpe bajangi kotosa Nsango Malamumu na Nkolo na biso Yesu.

—2 Batesalɔniki 1.7b, 8

Lisusu, mpɔ na bayini na ngai yango, baoyo bajalaki na mposa ete najala mokonji na bango tɛ, kamba bango awa mpe boma bango na miso na ngai.

—Luka 19.27

42 Ezali Te Ete Ba Oyo Nyonso Bakolakisaka Kobila Yesu Bazali Bato Na Yesu

Balobi ete bayebi Njambe nde na misala na bango bajali kolangana ye.
—Tito 1.16a

Ye nani ajangi Molimo na Kli-sto ajali moto na ye te.
—Baloma 8.9b

Mpe bakofandaka liboso na yo lokola bato na ngai, mpe bakoyokaka monoko na yo nde bakosalaka yango te; mpo ete na monoko na bango bakomonisaka bolingo mingi, kasi bakotiaka motema na bango na libonja.
—Ejekiele 33.31b

Bato oyo bakotosaka ngai na minoko, kasi mitema na bango ija-

li mosika na ngai. —Matai 15.8

Moto na moto oyo akolobaka na ngai, Nkolo! Nkolo! akoingela kati na Bokonji na Likolo te kasi ye oyo akosalaka mokano na Tata na ngai oyo ajali na Likolo. Mingi bakolobaka na ngai na mokolo yango, Nkolo! Nkolo! tosakolaki na nkombo na yo te? Tobimisaki milimo mabe na nkombo na yo te? Mpe na nkombo na yo, tosalaki misala na nguya te? Nakoyambo-la liboso na bango ete, Nayebi bino soko moke te! Bolongwa na ngai, bino bato na misala na lofundo.
—Matai 7.21-23

Na likambo oyo tosoṣoli ete to-sili koyeba ye; soko tokokokisa malako na ye. —1 Yoane 2.3

Mpe nakotia Molimo na ngai na kati na bino, mpe nakotambolisa bino na mibeko na ngai, mpe bokotosa malako na ngai mpe bokosala yango. —Ejekiële 36.27

Mpe esili ye kobongisama kwa, akomaki eutelo na lobiko na seko mpo na bango yonso bakotosaka ye. —Baēbele 5.9

Esili bino kosekwa na masumu, bokomi baombo na boyengebene. —Baloma 6.18

Jambi biso tojali mosala na ye, tojalisami kati na Klisto Yesu mpo na misala malamū oyo Nja-

mbe abongisi liboso ete totambolaka kati na yango. —Baēfese 2.10

Nde soko Klisto ajali kati na bino, ata njoto esili kokufa mpo na masumu, nde molimo ajali na bomoi mpo na boyengebene. Soko bojali bato na njoto, bokokufa mpenja; nde soko na njela na molimo bokoboma bijaleli na njoto, bokobika. —Baloma 8.10, 13

Tika ete moto na moto oyo akobianga nkombo na Nkolo atangwa na masumu. —2 Timote 2.19b

Mokili ejali mpe kolongwa mpe mposa mabe na yango lokola, nde ye oyo akosalaka mokano na Njambe akoumelaka seko.

—1 Yoane 2.17

Soko bamokili bajali koyina bino, boyeba ete basili koyina ngai liboso naino bayinaki bino te. Soko bojalaki bato na mokili, mbe bamokili balingaki bato na bango mpenja. Nde awa ejali bino na mokili te, kasi nasili kopona bino longwa na mokili, bongo bamokili bajali koyina bino. —Yoane 15.18, 19

Ɛε, ntango ekoya wana moto na moto oyo akoboma bino, akobanja ete ajali kosalela Njambe mosala. Bakosalela bino makambo oyo mpo ete bayebi Tata te soko ngai te. —Yoane 16.2b, 3

Tala motindo na bolingo bosili Tata kopesa biso ete tobiangama bana na Njambe; tojali mpe

bongo. Yango wana, mokili eyebi biso te mpo ete eyebaki ye te.

—1 Yoane 3.1

Mpe . . . ete, Ekoki na biso kokota na Bokonji na Njambe na njela na boloji mingi. —Misala 14.22b

Ɛε, bango yonso bajali na mposa na ejaleli na kosambela kati na Klisto Yesu bakonyokolama.

—2 Timote 3.12

Kati na mokili bojali na boloji; nde boyika mpiko, ngai nasili koleka mokili. —Yoane 16.33b

Ngai napesi bango liloba na yo mpe bamokili basili koyina bango jambi bajali bato na mokili te pelamoko ngai najali moto na mokili te. —Yoane 17.14

**Bilaka Na Nzambe Bizali Mpo Na
Ba Oyo Banyokolami**

45

Banga te, jambi ngai najali na yo; yoka nsomo te mpo ete ngai najali Njambe na yo. Nakokembi-sa yo, nakosunga yo, nakotombola mpe yo na loboko na ngai na boyengebene. —Yisaya 41.10

Ata tata mpe mama baktika ngai, nde Yawe akolokota ngai. —Njembo 27.10

Boye biso toyebi kojala na molende awa elobi biso ete, Nkolo ajali mosungi na ngai, nakobanga te. Moto akosalela ngai nini? —Baebelɛ 13.6

Esengo na bino soko bokotukama mpo na nkombo na Klisto,

mpo ete molimo na nkembo mpe na Njambe ajali koumela na bino. —1 Petelo 4.14

Jambi ye akolakisa banje na ye na ntina na yo ete babatela yo na njela na yo yonso. Ata natamboli na libulu na molili na kufa, nakobanga mabe te; jambi yo ojali na ngai elongo. —Njembo 91.11; 23.4a

Nayebi kosala makambo yonso kati na ye oyo akokembisaka ngai na nguya. Mpe Njambe na ngai akokokisa bosenga mobimba na bino pelamoko bojui na ye na nkembo kati na Klisto Yesu.

—Bafilipi 4.13, 19

46 Mpe Elonga Likolo Na Masumu Mpe Satana

Emekeli moko ekomeli bino te oyo ejangi epai na bato yonso. Njambe ajali sembo; ye oyo akotika bino te ete bomekama na koleka nguya na bino, kasi esika moko na emekeli, akobongisa ekimelo ete bokoka koyika mpiko.

—1 Bakolinti 10.13

Boye, tika ete tobelema na molende epai na kiti na bokonji na ngolu ete tojua mawa mpe tomona ngolu na kosunga na ntango na bosenga.

—Baebelɛ 4.16

Nde soko tokotambolaka na moi, pelamoko ye ajali kati na moi, tokojalanaka na lisangana na biso mpenja mpe makila na Yesu,

Mwana na ye, makopetolaka biso na masumu yonso. —1 Yoane 1.7

Nde okimaka mposa yonso na bolenge mpe obengana boyengebene mpe kondima mpe bolingo mpe kimia. —2 Timote 2.22a

Bino mpe lokola, bomitanga bino mpenja ete bokufi mpo na masumu nde bojali na bomoi mpo na Njambe kati na Klisto Yesu.

—Baloma 6.11

Na bongo, botosaka Njambe. Botemelaka oyo na mabe mpe akokima longwa na bino.

—Yakobo 4.7

Najali kobatela liloba na yo na motema na ngai ete nasala mabe epai na yo te. —Njembo 119.11

Mobondeli Ya Solo Azali Na Etingia
Na Kabila Nzambe

47

Yɔ olobi ete, Luka elongi na ngai. Motema na ngai elobi ete, Nakoluka elongi na yɔ, ε Yawe.

—Njembo 27.8

Bino bato bojala na elikia epai na ye ntango yɔnsɔ; jipola mitema na bino liboso na ye. Njambe ajali ebombelo mpɔ na biso.

—Njembo 62.8

Bɔndisa ngai, ε Yawe, mpe nakobɔndisama; bikisa ngai mpe nakobika, jambi nakosanjola yɔ.

—Yilimia 17.14

Bobɔndelaka na kotika tɛ. Bɔtɔndaka kati na makambo yɔnsɔ, mpɔ ete oyo ejali mokano na Njambe mpɔ na bino kati na Kli-

sto Yesu. —1 Batesaloniki 5.17, 18

Sɔkɔ mɔkɔ na bino ajangi mayɛ-
le, alɔmba Njambe oyo akopesaka
na bato yɔnsɔ na kopesa malamɔ,
oyo mpe akopamelaka tɛ. Bongo
akojua yango. —Yakobo 1.5

Sɔkɔ bokoumela kati na ngai
mpe maloba na ngai makoumela
kati na bino, bolɔmba likambo ni-
ni lilingi bino mpe ekosalamela bi-
no. —Yoane 15.7

Sɔkɔ nakanaki bokɛsɛnɛ kati na
motema na ngai, mɛ Nkolo ayo-
kamelaki ngai tɛ. ε Yawe, mpɔ na
nkombo na yɔ, limbisa mabe na
ngai, jambi ejali monɛnɛ.

—Njembo 66.18; 25.11

Mpɔ ete Nkolo ye mɔkɔ akokita longwa na Likolo na konganga makasi mpe na mongongo na mokolo na banje mpe na kobeta na mondule na Njambe, mpe bakufi kati na Klisto bakosekwa liboso. Na nsima biso bato na bomoi banyo totikali, tokonetwa kati na mapata mpɔ na kojuana na Nkolo kati na mopepe esika mɔkɔ na bango. Mpe bongo tokojala libela esika mɔkɔ na Nkolo.

—1 Batesaloniki 4.16, 17

Balingami, awa ejali biso na bilaka oyo, tomipetola mpenja na mbindo yonso na njoto mpe na molimo mpe tokokisa ejaleli na bi-

so na bulɛ kati na nsɔmɔ na Nkolo. —2 Bakolinti 7.1

Sasaipi bana, boumela kati na ye ete sɔkɔ ye akomɔnana, tojala na molende mpe tokima ye na nsɔni tɛ wana ekoya ye.

—1 Yoane 2.28

Bino mpe, bojala na mitema milai, bolendisa mitema na bino, mpɔ ete Komɔnana na Nkolo ejali kobelema. Bofundana tɛ, Banderko, ete bosambisama tɛ. Tala mosambisi atele mi liboso na bikuke.

—Yakobo 5.8, 9

Ekoki na bino mpe koselingwa, mpɔ ete Mwana na moto akoya na ntango ekokanisa bino tɛ.

—Luka 12.40

Tika Ete Otondisama Na Molimo Na Nzambe

Bongwa mpɔ na mpamela na ngai, tala nakosopela bino molimo na ngai, nakoyebisa bino maloba na ngai. —Masese 1.23

Bongola mitema, mpe batisama mɔkɔ mɔkɔ na nkombo na Yesu Klisto mpɔ na kolimbisama na masumu na bino, mpe bokojua likabo na Molimo Mosanto. —Misala 2.38b

Bolangaka vinyo tɛ jambi yango ejali kojanga kobika. Nde botondaka na Molimo, awa ekosololanaka bino na koyemba njembo na Njambe mpe njembo na Molimo, awa mpe ekosanjola bino Nkolo mpe ekoyembaka bino njembo na mitema na bino,

awa mpe ekotɔndaka bino Njambe Tata ntango yɔnsɔ mpe mpɔ na yɔnsɔ, na nkombo na Nkolo na biso Yesu Klisto. Botosanaka mpɔ na kobanga Klisto.

—Baefese 5.18-21

Mpɔ ete Njambe ajali kosala mosala kati na bino mpɔ na kolingisa bino mpe kosalisa bino na ntina na mokano na ye. —Bafilipi 2.13

Boyebi tɛ ete bojali Esambelo na Njambe mpe ete Molimo na Njambe afandi kati na bino? Jambi bosikwi na motuya. Boye bokumisa Njambe na njoto na bino.

—1 Bakɔlinti 3.16; 6.20

Scripture text reprinted from the Bible in Lingala by permission of United Bible Societies Africa Regional Centre, Nairobi, Kenya.

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.
World Missionary Press, PO Box 120, New Paris, IN 46553-0120 USA

Likabo — Mpo na koteka te

www.wmpress.org



Read booklets online or by App
www.wmp-readonline.org

3-17

1534 Lingala—Haut Fleuve HKG